



Broj: 01/05-31-1158/26
Sarajevo, 30.01.2026. godine

Na osnovu člana 22. stav (2) Odluke o izvršavanju Budžeta Grada Sarajeva za 2026. godinu ("Službene novine Kantona Sarajevo", broj: 1/26), a u vezi sa članom 42. stav 1. tač. g) i h) Statuta Grada Sarajeva („Službene novine Kantona Sarajevo“, broj 7/23) i strateškim prioritetom 6.3., te mjerom 6.3.4. Podrška radu sigurne kuće, radu roditeljske kuće djece oboljele od raka, ustanovama i institucijama djece bez roditeljskog staranja (Strategija razvoja Grada Sarajeva 2021-2027.), kao i u skladu sa Akcionim planom rodne ravnopravnosti Grada Sarajeva za period 2025.-2028. godina (Odluka o usvajanju Akcionog plana rodne ravnopravnosti Grada Sarajeva za period 2025. -2028. godina - "Službene novine Kantona Sarajevo", broj 47/24), gradonačelnik Grada Sarajeva raspisuje:

JAVNI POZIV **za sufinansiranje rada sigurnih kuća u Bosni i Hercegovini iz Budžeta Grada Sarajeva**

1 Predmet javnog poziva je prikupljanje zahtjeva za sufinansiranje rada sigurnih kuća, koje imaju korisnike na području Bosne i Hercegovine.

2. Pravo učešća na Javnom pozivu imaju udruženja/organizacije (u daljem tekstu: Učesnici) čija se djelatnost odnosi na organizovanu i specijaliziranu uslugu podrške za žene, djecu i djevojčice, žrtve nasilja u porodici, usluge SOS telefona, dnevnog psihološkog savjetovanja, besplatnu pravnu pomoć i socio-ekonomsku podršku žrtvama nasilja u porodici.

3. Finansijska sredstva za realizaciju Javnog poziva obezbijedena su u Budžetu Grada Sarajeva za 2026. godinu ("Službene novine Kantona Sarajevo", broj: 1/26) na poziciji 614300: Tekući transferi neprofitnim organizacijama: Podrška Sigurnim kućama u Bosni i Hercegovini, u ukupnom iznosu od 200.000,00 KM.

4. Finansijska sredstva, koja se dodjeljuju ovim javnim pozivom iz Budžeta Grada Sarajeva za 2026. godinu, mogu se koristiti isključivo za sufinansiranje troškova psihosocijalne pomoći i podrške, radno okupacione i kreativne terapije, nabavku hrane, odjeće i obuće za žrtve nasilja u porodici, nabavku lijekova i medicinskih potrepština, pribora za ličnu higijenu i sanitarija, troškove održavanja i osiguranja sigurne kuće, troškove prijevoza i goriva za terenski rad sa žrtvama nasilja, troškove nabavke ogrijeva, podmirivanje režijskih troškova i drugih potreba sigurne kuće, a ne mogu se koristiti za pokrivanje troškova plata i ostala primanja zaposlenih, te pokriće gubitaka.

5. Učesnici koji se prijavljuju na Javni poziv, dužni su da dostave potpunu dokumentaciju (original ili ovjerena fotokopija za dokumente koji se traže), kako slijedi:

- a) Prijavu na javni poziv sa planom programskih aktivnosti za koje se planira utrošak finansijskih sredstva iz Budžeta Grada Sarajeva;
- b) Dokaz o registraciji, Rješenje o upisu u Registar kod nadležnog organa ili Izvod iz Registra o upisu kod nadležnog organa;
- c) Porezni identifikacioni broj (ID broj);
- d) Broj transakcijskog računa (ugovor sa bankom ili potvrda o otvorenom računu);



- e) Izjavu, ovjerenu kod nadležnog organa da su obezbijeđeni svi tehnički uslovi, te neophodni materijalni i ljudski resursi za realizaciju efikasne funkcije i aktivnosti udruženja/organizacije – sigurne kuće.

Glavni kriterij na osnovu kojeg će se određivati visina iznosa finansijskih sredstava koja će se pojedinačnim ugovorom dodijeliti uspješnim Učesnicima je kvalitet plana programskih aktivnosti za koje se planira utrošak finansijskih sredstva iz Budžeta Grada Sarajeva.

Način podnošenja prijava

Prijave na Javni poziv podnose se u roku od 15 dana od dana objavljivanja istog na službenoj web stranici Grada Sarajeva, lično na protokol ili putem pošte na adresu Grad Sarajevo, Gradska uprava, Gradska služba za lokalnu samoupravu, Ćemaluša broj 9, sa naznakom „Javni poziv za sufinansiranje rada sigurnih kuća u Bosni i Hercegovini iz Budžeta Grada Sarajeva“.

Neblagovremene i nepotpune prijave neće biti uzete u razmatranje.

Prijave sa cjelokupnom dokumentacijom, pristigle na Javni poziv, nadležna Služba za lokalnu samoupravu obrađuje i valorizira sa aspekta validnosti dostavljene dokumentacije, te shodno glavnom kriteriju za određivanje visine finansijskih sredstava za pojedinačnu dodjelu sredstava, utvrđuje prijedlog, koji dostavlja gradonačelniku Grada Sarajeva, sa prijedlogom pojedinačnih ugovora o realizaciji sredstava iz Budžeta Grada Sarajeva za 2026. godinu.

Lista podržanih Učesnika sa kojima će se potpisati pojedinačni ugovori, biće objavljena na službenoj web stranici Grada Sarajeva www.sarajevo.ba.

Sve dodatne informacije mogu se dobiti u Gradskoj službi za lokalnu samoupravu, putem kontakt telefona: 033 407 965, 033 407 414, 033 407 434.

GRADONAČELNIK

Samir Avdić, s.r.